

1910

年

第

卷

2379

第

期

2389

# 北洋官報

錄目

宮門抄 交旨

奏議○學部奏河南優級師範畢業請獎摺△又奏續派  
 四川學務議長摺△東督錫等奏試署廳縣摺  
 摺片十則  
 公牘○督憲咨一件△又札一件△津海關道詳一件  
 文告三則△候補六則△各省五則△譯電十一則  
 彙編○憲政編查語奏定法院編制法  
 己酉官報目錄

本局 第一百三十一期 法政學報 今日出版  
 本日 增刊 己酉官報目錄 一頁

現刻北洋同官錄各處履歷尙未來齊務望於二月內送交敝局以便三月  
 初旬一律印刷  
 本局謹啟

## 宮門抄

二月十九日 理藩部 廂藍旗值日 延祉因子補缺謝 恩 豐深 良泰各請假十日 琦侯續假二

十日 順天府奏京師得雪一寸有餘 召見軍機

本日已刻在

養心殿覲見美國署使臣費勒器美國前總統之妹羅冰孫之妻羅冰孫羅冰孫之子漢務參贊丁家立

## 交旨

二月十九日 軍機大臣欽奉

諭旨博迪蘇等奏謹將宣統元年八月以後接徵崇文門關稅數目截至年終專案奏報繕單呈覽一摺又奏開支交進等項銀兩數目一片又奏提撥殖邊學堂等處經費一片又奏平餘另款撥給學堂工廠等項捐款一片均著度支部知道欽此

### 奏議錄要

學部奏河南優級師範選科暨初級師範簡易科學生畢業照章請獎摺

奏為河南優級師範選科暨初級師範簡易科學生畢業照章請給獎勵恭摺仰祈

聖鑒事准內閣鈔出河南

巡撫吳重熹具奏豫省優級師範選科暨初級師範完全科考試畢業照章請獎一摺奉 硃批學部議奏欽此

欽遵到部原奏內稱河南省城優級師範學堂內設優級理化選科並附設初級師範完全科均經臣督同提學使並學務員紳會考畢業由該堂校閱試卷照章記分列等填造表冊咨由提學使移覆各學生歷屆學期積分未免過寬通減優級選科畢業總平均五分初級完全科畢業總平均三分並將選科畢業崇勛一名降列中等以昭核實初級完全科課程定章有習字一門因該堂考錄學生文學素優酌減習字一門加授重要科目此嚴核兩科畢業成績之情形也優級理化選科共畢業二十八名其本科既皆修業二年自應照章擬獎初級師範完全科共畢業六十九名提學使以定章本限五年畢業今該堂學生或六學期五學期不等年限既尚有差自難按完全科畢業請獎應援照二年以上之簡易師範減等給獎辦法滿六學期者酌減一等核擬五學期者除考列中等各生無庸擬獎外均減兩等核擬並其中有本係有職人員擬請獎以升階升銜此慎擬兩科畢業獎勵之辦法也此次兩科畢業考驗程度尚與定章相符且經提學使減分降等悉屬從嚴所請分別獎勵之處臣復按名覆加查核仰懇

敕部照擬給獎等因旋准該撫咨送表冊到部臣等查該堂選科畢業生多係由河南高等學堂預科考入該生在高等預科究竟有幾年程度未准叙明又優級師範畢業其考驗試卷照章送部覆核此次亦未實到當即行文咨催去後嗣准該省將選科學生前在高等預科及中學肄業表冊連同畢業試卷咨送到部臣等詳加覆核並派員校閱各科試卷其優級師範選科程度大致與定章相符其中各科有較淺者均將分數核減改算照臣部奏定畢業考試計分新章重定等第其初級師範完全科肄業既未滿五年無論肄業五學期或六學期均應比照臣

部奏准山東福建等省簡易師範請獎成案一律照師範簡易科給獎其有職人員議獎升階升銜一節查臣部歷屆辦理師範獎案有職人員只准以原官原班用從不另議獎叙所請應無庸議至臣部奏定師範獎勵章程優級師範選科畢業考列最優等者比照優級師範中等獎勵辦理考列優等中等者比照優級師範下等辦理初級師範簡易科畢業考列最優等者比照初級師範中等獎勵辦理考列優等者比照初級師範下等辦理考列中等者准充小學堂及程度相當之各項學堂副教員此次河南師範兩科學生畢業自應照章給獎以昭激勵所有優級師範選科列入最優等之張詒侯永煊張希聖黃文德王國英羅飛聲劉紹宣馬名駿岳秀夫梁廷材宋之模于衡漳戴連峯魏紹離李本性梁振伯等十六名擬請比照優級師範中等獎勵辦理作為師範科舉人以各部司務補用令充中學堂初級師範學堂及程度相當之各項學堂正教員俟義務年滿以應升之階分別京外分部分省儘先補用列入優等之許良臣王嗣鎬侯秉鈞張席珍祿銘勳周雲鵬張瑞霖等七名列入中等之崇勛朱繩祖景蘊和張盤銘李夢華等五名均請比照優級師範下等辦理令充中學堂及程度相當之各項學堂副教員或高等小學以下各項學堂正教員俟義務年滿作為師範科舉人獎給中書科中書銜其初級師範簡易科列入最優等之孫鼎張世英陳子茂張振鵬陳士凱王錫豫韓樹聲李桂林王廷柏甘霖灝張芳洲徐繩會李希沆許琳李培芬趙霽秦文華宋澤緒趙文山張俊德曲鳴崗劉樹勳等二十二名擬請比照初級師範中等獎勵辦理作為師範科貢生以訓導用令充小學堂及程度相當之各項學堂正教員俟義務年滿以應升之階儘先補用又最優等之郭芳蘭一名原係拔貢候選教諭應以原官原班用俟義務年滿以教諭儘先選用并俊起一名原係舉人揀選知縣應以原官原班用俟義務年滿以知縣儘先選用列入優等高班崔嵩華張寶仁王藝卿陳善治李鳳翔路鵬程余信芳劉春曜申庚宣陳偉勳王湘蘭趙民王家賓閻榮泰徐仰曾馬祖伸侯永炎張文軒孫如璋吳宗周魏尙徵趙同壘文鴻賓潘作棟王定中趙運和于來獻等二十八名擬請比照初級師範下等辦理令充小學堂及程度相當之各項學堂副教員俟義務年滿作為師範科貢生獎給訓導銜列入中等之余葆光梁國珍馬鴻慶魏桂森許廷獻亢亮節陳星拱馬文範劉文星盧燦章李俊卿王廣勳韓錫晉苑子珍任熙亮尙光榮劉繼曾等十七名擬令准充小學堂及程度相當之各項學堂副教員無庸給獎如蒙 俞允卽由臣部行知河南巡撫遵照辦理所有河南

師範學生畢業照章議獎緣由理合恭摺具陳伏乞

皇上聖鑒謹 奏宣統二年二月十五日奉 旨依議欽此

學部奏派周鳳翔充四川學務公所議長摺

聖鑒事竊查奏定各省學務官制章程學務公所設議長一人由督

奏爲續派四川學務公所議長恭摺仰祈 聖鑒事竊查奏定各省學務官制章程學務公所設議長一人由督撫咨明學部奏派歷經遵照辦理在案茲准四川總督咨稱該省學務公所議長翰林院編修胡峻病故所遺議長一席未便久懸查有在籍法部大理院總檢察廳檢察官周鳳翔品行端正通達學務堪以續派四川學務公所議長等語臣等查議長一職贊畫全省學務兼備督撫咨詢責任綦重該督既已續選得人自應查照原咨遵章辦理擬請將在籍法部大理院總檢察廳檢察官周鳳翔派充四川學務公所議長並請照章不扣資俸不停升轉銓選如蒙 俞允卽由臣部分咨欽遵辦理所有臣部續派四川學務公所議長緣由謹恭摺具陳伏乞

皇上聖鑒謹 奏宣統二年二月十五日奉 旨依議欽此

東三省總督錫良等奏揀員試署廳縣各缺摺

奏爲揀員請補廳縣各缺以資治理恭摺仰祈 聖鑒事竊查奉天鳳凰直隸廳同知談國桓報捐離任遺缺歸宣統元年十二月分截缺係衝繁難題調要缺例應由外揀補該廳管轄一州二縣並自理地面政務極爲殷繁非精明練達之員不克勝任查有留奉補用直隸州知州王崇閻現年四十九歲山東冠縣附生光緒十四年山東王家圈漫口合龍出力保准以縣主簿選用十五六兩年黃河搶險出力保准以府經歷選用十八年報捐分省補用是年胡家岸漫口合龍出力保准免補本班以知縣仍分省補用十八九兩年辦理順直賑捐出力保准俟補缺後以直隸州知州用二十三年呂家窪漫口合龍出力奏保奉 上諭王崇閻著以直隸州知州仍分省補用並

加四品銜欽此三十二年投効來奉三十三年四月奏留奉省委用宣統元年十一月委署甯遠州知州措置裕如以之試署鳳凰直隸廳同知堪期勝任又廣甯縣知縣侯廷翰回籍終養遺缺歸宣統元年十二月分截缺係衝繁中缺聲請外補查有留奉補用知縣王濟輝現年四十五歲貴州思南府廩生中式光緒丁酉科本省鄉試舉人二十四年赴部註冊揀選知縣三十一年留學日本法政大學畢業三十三年咨調到奉派署民政司民治科三等科

員兼諮議局籌辦處司選員三十四年十二月奏留奉天補用宣統元年三月委署安廣縣知縣以之試署廣甯縣知縣堪期勝任又輯安縣知縣徐之慶病故遺缺歸宣統元年十二月分截缺係疲難沿邊題調要缺例應由外揀補查有補用知縣李光第現年三十八歲湖南邵陽縣增生中式光緒癸卯 恩科本省鄉試舉人旋在部註冊揀選知縣三十二年留學日本法政大學法律部兼郵政科畢業三十四年七月咨調來奉派充省視學宣統元年二月赴部考職取列一等第三名經 欽派王大臣驗放奉 旨以知縣用欽此仍回奉供差八月奏留奉

天補用現委署臨江縣知縣以之試署輯安縣知縣堪期勝任又開通縣知縣忠林調補遺缺歸宣統元年十二月分截缺係繁雜題調要缺例應由外揀補查有留奉補用知縣金正元現年四十七歲內務府正白旗漢軍由附生中式光緒甲午科順天鄉試舉人二十四年補授內務府筆帖式三十二年赴部註冊揀選知縣三十三年以知縣

奏留奉天委用經 欽派王大臣驗放堪以照例用奉 旨依議欽此宣統元年八月委署承德縣知縣以之試署開通縣知縣堪期勝任據民政使張元奇呈請具 奏前來臣等查該員王崇閻年力富強才具穩練該員王濟輝盡心民事勤苦耐勞該員李光第講求政治明敏安詳該員金正元練達民情明幹勤慎合無仰懇

天恩俯念要缺需員准以留奉補用直隸州知州王崇閻試署鳳凰直隸廳同知留奉補用知縣王濟輝李光第金正元試署廣甯輯安開通等縣知縣洵於地方有裨如蒙 俞允俟接准部覆再將王崇閻王濟輝李光第等應

行赴引人員給咨送部引 見以符定制各該員仍俟試署一年期滿果能稱職另請實授除咨部外所有揀員請補廳縣各缺緣由理合恭摺具陳伏乞 皇上聖鑒訓示謹 奏宣統二年二月十四日奉 硃批吏部議奏欽此

### 摺片摘要

扎拉豐阿奏請將革員克興額等三員開復原官摺二月十七日奉 硃批所請著毋庸議

又奏遵部議另籌常年經費以濟學需摺同日奉 硃批該部知道單併發

又奏塔屬逃俄哈衆悉數收回摺同日奉 硃批該部議奏

又奏辦理塔城中俄司牙孜三屬積案懇 恩給獎摺同日奉 硃批該部議奏

又奏收哈事竣出力各員請獎摺同日奉

又奏請以鄂羅勒莫扎普兼署頭等台吉印務片同日奉

又奏轉世之呼圖克圖在後庫倫圓寂片同日奉

又奏副總管福善歷辦司牙孜出力請加 恩片同日奉

又奏瑪木爾伯克辦理司牙孜出力請獎片同日奉

又奏已革佐領扎布善請開復片同日奉

硃批該部議奏

硃批理藩部知道

硃批理藩部知道

硃批福善著交軍機處以副都統記名簡放

硃批著照所請該部知道

硃批所請著毋庸議

### 公牘錄要

督憲陳據北洋官電局詳報朝陽官電綫路被賊竊毀桿綫請轉咨嚴飭地方官保護咨會熱河統都查照文  
為咨會事據北洋官電局詳稱竊於宣統二年二月初七日據朝陽官電分局委員方基培電稟稱初四日朝陽至  
義州綫斷旋據頭段工頭而面仍係方善溝梁地方被竊去第五百八十六號電桿一根電綫一段已經修復通電  
等語查卑局屢次被竊桿綫多在朝境小三寶營子與方善溝梁左近接壤詢之該兩牌牌長互相推諉似非稟請  
飭由地方官嚴拏懲辦一面嚴飭該管鄉牌等責成妥為保護恐此風終不可戢電請核示等情到局據此查朝陽  
一帶綫路為東三省通京要道往來電報絡繹不絕斷不容屢次被竊致滋貽誤乃該鄉牌事前既不認真保護遇  
有竊毀桿綫又復彼此推諉實於電政大有妨礙惟有仰懇憲台咨明 熱河都統憲轉飭朝陽府遵照選派幹捕  
勒限嚴緝竊毀桿綫賊務獲究辦一面嚴諭該處鄉牌協同路捕加意保護以重電政除電飭朝陽分局委員隨  
時督飭工頭梭巡外理合具文詳請憲台鑒核俯賜轉咨實為公便等情到本大臣據此除批據詳已悉候咨 熱  
河都統轉飭朝陽府選派幹捕勒限嚴緝各案賊賊務獲究辦並飭路捕隨時認真巡護以維電政繳等因掛發外  
相應咨會 貴都統請煩查照轉飭遵辦施行

督憲陳據二四兩鎮申詳試驗德州機器局仿造代用榴霰彈情形列表呈核札飭該局查照文

為札飭事據陸軍第四鎮詳報事竊本月初九日仰蒙憲台札開為札飭事據北洋機器製造局稟稱竊職道等前  
以局中專造槍子一項價值甚貴擬請就廠中原有機器畧加擴充增造日本七生半速射砲代用榴霰彈一種以

資挹注一案嗣奉前督憲端批開據請增造日本七生半速射砲彈藉平槍子價值自爲裨益局務起見惟此項砲彈據稱二四兩鎮向係購自外洋專供操防之用現擬由該局自造改用砲火銅引究竟能否合式應先將式樣呈候查驗再行酌核飭遵所有增購物料修配機器並酌添工匠等事均應暫從緩議仰即遵照繳等因奉此遵即督飭廠員按照前由保定軍械局領到代用榴霰彈式樣拆卸仿造十顆並安砲火銅引帶津呈請憲台鑒核並懇發鎮驗放俟各鎮稟覆如果合用即請飭局核實籌辦附呈七生砲彈十個連引火全等情到本大臣據此除批據稟已悉所稱按照由軍械局領到代用榴霰彈式樣拆卸仿造並安砲火銅引自係爲便利軍需起見是否合用候行兵備處暨二四兩鎮查照驗放稟覆後再行飭遵繳印發並分行外合行札飭札到該鎮即便查照辦理等因奉此遵即遴派委員到津由兵備處領到前項德州機器局試造七生半砲彈十個連同引火全並遵照兵備處原函撥交二鎮五個連引火全其餘砲彈五個當即發交砲四標蔣統帶廷梓督同該標官兵認真考驗據實列表是否合用以憑詳覆去後茲據該統帶呈稱遵於二十二日下午一點鐘在燒密盆地方附近之靶場按照試驗砲彈法則將新領到德州製造同仿造七生半開花砲彈如法試放其經過情況係先以山砲試驗目標距離二千三百密達第一子彈遠一百一十密達偏左二密達同時射擊第二子彈目標距離依舊仍遠一百密達偏左三密達復以六路砲試驗目標距離二千二百密達第一子彈遠一百密達第二子彈近一百密達試驗畢即赴目標處查驗各子彈落點均係跳越開花觀其炸片較自造子彈效力甚少以之作試驗則可若用爲戰備則引信尚須改良等因前來統制覆核無異除飭該統帶將驗放德局仿造開花彈之子藥引信各重量並試放砲種子彈號數及目標距離飛行時刻觀測風向速率修正分數偏差等項詳細數目情形另行列表呈請憲鑒並將未放子彈一個留備參考外所有遵飭試驗北洋機器局仿造七生半開花子彈緣由理合備文具詳伏候鑒核施行附呈試驗表一紙又據第二鎮申覆事案蒙憲台札飭以據北洋機器製造局仿造日本七生半砲代用榴霰彈十個呈請發鎮驗放等情飭即查照辦理等因奉此並由兵備處領到仿造砲彈五個當派正軍械官王榮勳砲二標顧統帶添璵會同驗放去後茲據該員等將驗放此項砲彈情形利弊詳細列表呈送前來理合檢同原表二張備文申請憲台鑒核爲此具中伏乞照驗施行計表二張各等情到本大臣據此合行札飭札到即便查照分別辦理此札



天津海關道詳開平等處煤稅均有指款礙難解部請示遵文並批

爲詳覆事現蒙 憲台札開宣統二年正月二十七日准 農工商部咨宣統元年十二月十八日接據直隸礦政調查局呈解阜平縣獨石口廳臨榆縣等三處煤礦稅銀一百四十五兩九錢八釐五毫四絲到部當經本部兌收札覆飭將徵收詳細清冊迅速造送並申明定章所有礦稅銀兩以一半解部一半充餉不得先提一成留作設局徵稅經費致與部章不符此後仰仍遵章辦理等因在案查直隸礦產以開平臨城灤州井陘爲最自礦章實行後所有年租出井租及應分紅利經本部文電迭催迄未報解事關奏案未便再從延緩除派本部丞參上行走前長蘆運司周學熙前往督催外相應咨行貴大臣查照轉飭該局將前項經徵銀兩查明解部並照章彙造清冊以備查核可也等因准此札道遵照速復核咨切切此札等因蒙此遵查開平等礦煤稅因有洋款交涉是以專由職署派員徵收未據分毫報解開平煤稅庚子以前原定專歸北洋大學堂之用光緒三十一年因收數無定詳明按月解交提學司經費銀二千八十二兩八錢代徵唐山洋灰稅局每月用銀六十三兩四錢遇閏加增又每年認解京師八旗小學堂經費銀一千二百兩女師範學堂經費銀二千五百兩女醫院薪水每年銀一千七百餘兩以上五款均係詳咨有案每年約支銀三萬兩上下以收抵支餘銀無幾臨城煤稅詳定每年稅局公費每月銀一百二十兩礦政調查局經費每月約銀二千二百兩每年約銀二萬五六千兩以收抵支不敷甚鉅井陘煤稅悉照臨城辦法撥充礦政局用迄未准交來絲毫曾於清理財政時詳請咨明 度支部在案茲蒙前因查開平煤礦向無提分紅利之事臨城井陘紅利未准交來其年租一項亦未准照章交納無憑提解至出井稅項開平臨城井陘三處均有指撥抵款若果照章一半解部必至收不敷支礦務學務要政所關不得不力爲籌顧所有應解 農工商部煤稅銀兩部中需款甚殷酌解一次自當勉爲其難若如來咨照章報解則款項盈絀所關尙須從長計議以顧本省要需究應如何辦理職道未敢擅專理合照宣統元年分開平臨城煤稅收支數目開具清單具文詳覆 憲台查核訓示並乞俯賜轉咨 農工商部查照實爲公便再灤州煤稅係歸礦政調查局經收合併聲明爲此備由具呈伏乞 照詳施行

督憲陳 批據詳已悉開平等礦煤稅備撥學費各項要需自應籌顧惟疊准 農工商部函咨需款甚殷應由該道籌撥銀八千兩勉解一次仍將籌解爲難情形詳候核咨仰卽遵照繳

### 文告錄要

農工商部批示○房山縣民人康殿元稟 批前據呈稱與張榮夥辦常溝峪洋溪溝迤東中興煤窰被劉耀德捏控各節當經本部劄飭直隸礦政調查局查明報部茲據覆稱現經周口村貢生常履一等出爲調處並稱各子窰合同所載此山係指洋溪溝全山而言令兩造將所有洋溪溝煤窰均批與張榮開做按六釐抽分劉耀德等五人得三釐康殿元得三釐如開各子窰仍以三十年爲滿將抽得之錢劉耀德等五人分六百三十文康殿元分一百七十文如再另批煤窰應先儘張榮承批另立合同字據兩面均已允服情願息訟等情呈請銷案等情前來查此案既據礦政調查局復稱憑常履一等出爲調處兩造均願息訟銷案本部亦不深究准予銷案仰卽遵照可也此批

督憲批示錄要○沙河縣詳報大名練軍函送緝獲行竊鐵路道釘賊犯張雙喜一名訊明擬辦并張雙喜在押患病取保病故由 批據詳已悉仰按察司核明詳覆飭遵此繳○唐山縣鍾令靈稟賠累難支復請津貼由 批據稟已悉仰布政司核議詳覆飭遵繳○鹽山縣鄧令錫倫詳修理學宮工竣報銷由 批據詳已悉仰藩學兩司核議詳覆飭遵册存此繳

保定工巡總局批示○民人魯洛貴具稟一案 批候傳飭該管分局查啓前封發還執業爾仍遵章覓同妥保前赴該局具領至是項房屋嗣後務當另招妥人接租不得再租與田志成居住致干咎戾凜之切切○北宋村文生于捷三等具稟一案 批據稟已悉候行清苑縣查案訊辦該文生等可卽赴縣投訊毋庸來局多瀆

### 畿輔近事

奏設憲政籌備處○農工商部片奏畧以查臣部自奉 明詔預備立憲業於光緒三十三年九月在署內創設憲政研究所派員講論憲法事宜令各司員輪流聽講參考在案今奉 諭旨設立憲政籌備處臣等公同商酌擬將原設之研究所改爲憲政籌備處揀派臣部四司印稿王大貞等承辦一切並以臣部丞叅上行走各

員總理其事當將宣統元年十月十三日  
辦諸事次第籌備以期無悞期限仰副  
查館知道矣

上諭恭書懸挂由臣等督率在處各員所夕凜遵於臣部分年應  
聖朝力行憲政之至意云云已於本月初八日奉 旨交憲政編

官場紀要○候補道楊觀察奎傳調充憲政研究員所遺礦政調查局會辦一差奉 督憲札委周觀察天霖接充

○丁觀察惟魯奉委官報局會辦差

批明南紙商人之誤會○本局奉辦官紙原爲印刷各項文件以畫一用品起見乃本埠南紙商文美齋等誤疑爲  
將設官立南紙局由官自行造紙恐與紙業有礙稟由商會轉稟 督憲懇請停辦當奉批示云查官報局擬行  
官紙並非官自造紙祇爲承印各項文件而紙張仍取之於各商店於紙業全無損礙據稟前情殊多誤會自應  
毋庸置議仰卽轉飭遵照

札充砲隊軍需長○督憲據陸軍第二鎮稟砲隊二標第一營軍需長吳寅因案開缺所遺軍需長一差擬請以督  
練公所參議處司繕馬希賢接充已奉 督憲批准並下札委派矣

保定議事會籌備開會○城鎮鄉地方自治爲預備立憲第二年應行籌辦之事保定地居省會曾於上年夏遵照  
定章調查資格選舉議員先行組織城議事會並由選定議員公同集議擬有自治規約呈請 直隸籌辦地方  
自治總局鑒核當蒙批准並改定規約八章三十六條於本年正月內發還該會該會卽擬於本月內開正式例  
會現正籌備一切云（規約另錄）

## 各省近事

委勸新設各缺界址○吉省東南邊界地方窩關現將琿春城改設撫民同知分治密江站以東之地名曰琿春廳  
其延吉舊轄之和龍峪分防經歷改設和龍縣延吉以北之汪清河岸增設汪清縣所有各處疆界亟須勘分以  
便治理現因省中候補各員人地生疎未能周知已由民政司移請東南路兵備道就近派員會同各新設地方  
官履勘定界

（錄申報）

續舉城廂自治職員○蘇垣長元吳三縣城廂自治公所於初二日仍在元都方丈內接續開會投票選舉董事及名譽董事是日三首縣因公未到當委托金吟谷大令到會代行監督各議員實到者三十八人下午二時開會由議事會正議長主席首投票選舉董事應以十六票當選舉定吳本齊倪鼎孔昭晉次舉名譽董事至第六次選齊計江衡陶冶元彭麟保姚銑吳理杲杭祖良曹元恒龔傑劉傳福潘祖年張炳翔章慰高等十二人選舉已畢議長言議員定額六十名現在實數四十六名除選出總董董事等十七人外已缺三分之一照章應行補選抑俟三月十一日董事會成立後辦理如以爲然請衆起立多數起立至籌備公所現在暫緩撤銷云（錄上海新聞報）

會議維持徵銀辦法○安徽蕪湖紳商學界前接京函皖撫奏請賠款三百文改銀一錢八分一事茲聞紳商學界於上月二十八日齊集自治公所會議辦法聞由議員鮑小琴潘伯和朱雲生三君函致省城諮議局議長方太史設法維持原函照錄如下 逕啓者昨接京同鄉來函備言賠款徵銀厲民實甚宜共籌挽救之策當即會同城鄉紳民於二十八日假自治公所集議僉以此次奏改紊亂舊章不卹民隱各州縣徵收慣例率用銀元銅元多一周折即多一弊竇不如原定制錢爲明白易曉公議從速函達查局章第二十一條有收受人民陳請建議事件茲既據京同鄉函陳又經多數人民陳請代達未便匿不以報再局章二十六條本省行政及會議廳議決事件如有疑問得呈請督撫批答又二十七條本省督撫有違背法律等事得呈請資政院核辦綜觀局章既可呈請批答且可請資政院核辦况事關民瘼未交局議於法理上不無抵觸統請卓裁示覆（錄申報）

浙撫考吏之詳情○浙撫增中丞前擬傳考合署書吏從嚴淘汰以清弊窟茲悉已於上月二十八日晨九時遴派總文案惲毓珂觀察升座二堂點名核對照片並呈向不吸煙並無頂替甘結逐一給卷在憲政籌備處局試派黃守大華暨陳雲鵬梁慶庸增春三大令爲監場員派戈什哈八名從事搜檢不准夾帶片紙隻字計撫鹽兩院與考者四十二名每房先行投票公舉品學兼優者一人再行發題計吏科題係整飭吏治當以先定公費爲入手辦法論軍政科題係通飭水陸防營陸師宜講求操防不准閑游街市水師宜晝夜梭巡不准舍舟居陸札度支科題係地方稅與國家稅分別性質按度籌畫論農工商科題係商部奏定宣統二年籌備事宜論鹽政科題

係改良鹽務方法及裕課恤商便民論其餘有條對通行告示問答等至十二句鐘淨場云 (錄申報)

### 譯電錄要

美國減收中國貨稅○路透電云美總統戴夫德氏現在宣佈明文允許美海關徵收中國貨品至小之稅  
埃王接待美前總統○路透電云埃及國王與美國總統盧斯福氏互相拜謁當盧氏乘車在街市經過時人民頗

爲歡迎

美前總統定期抵德○路透電云美國前任總統盧斯福氏定於西五月十二號行抵柏林德皇擬以優禮款待並

在魯亞宮預備居所

英國鐵路轆轤了結○路透電云英國鐵路公司與工人轆轤問題現已訂立合同了結惟工價一事尙未議定聞

政府擬派員議結此事云

俄國預定海軍經費○路透電云俄政府現將海軍經費預算案一千四百六十七萬四千盧佈議妥前者預算此

數係爲添造兵艦被議院減爲一千一百萬盧佈又電云俄政府不日將添造兵艦問題交議院核議所需經費

共七千五百萬鎊以十年爲限

美國派艦遊歷○路透電云美政府提議擬於西十一月派大西洋艦隊至地中海一帶遊歷

和蘭改訂憲法○柏林電云和蘭君主現派員改訂憲法

布王閱看土軍大操○柏林電云布加利亞國王在土京觀閱土軍大操布王極力稱讚土陸軍大臣士克德氏教

練土軍之法

阿比西尼亞國王逝世○柏林電云非洲阿比西尼亞國王逝世阿政附擬將阿后革黜阿后極力反對現在阿京

甚爲安謐

德報改正英大臣之言○柏林電云德國官報因英海軍大臣馬堪納氏宣布德海軍之言極力改正謂德海軍於

一千九百一十二年秋可成新式戰艦十三艘并非十七艘云

德首相謁見教皇○柏林電云德首相赫洛威克氏謁見教皇晤談甚久商議德國教務然於伯森地方大主教之事尙未定議

第五十條 前二條所載分配事務及配置推事既經決定後於本司法年度內不得更改但遇有案件增加致合議庭或獨任推事擔任過多或推事有他項事故致延擱過久者院卿及廳丞廳長得將所豫定酌量更改

第五十一條 審判衙門推事及代理推事遇有事故得以直隸下級審判衙門推事代理 地方以下級審判廳並准用各該廳候補推事代理 前二項之代理所有直隸下級審判衙門推事及候補推事接據各該審判衙門移知後應遵照豫定次序行之 初級審判廳推事及代理推事遇有事故由該管地方審判廳廳丞或廳長照豫定次序派令各該地方審判廳獨任推事或候補推事代理 本條之代理以緊急事宜爲限

第五十二條 高等以下審判廳遇有法令上或事實上不能行審判權時得以最近同等之審判廳暫行代理但以緊急事宜爲限

第五十三條 審判衙門已分配之事務於本司法年度內尚未完結者得由各該合議庭及獨任推事繼續完結之

#### 第七章 法庭之開閉及秩序

第五十四條 法庭開設於審判衙門內但有特別規定者不在此限

第五十五條 訴訟之辯論及判斷之宣告均公開法庭行之

第五十六條 審判長居法庭首席於開閉法庭及審問訴訟均有指揮之權

第五十七條 審判長於開庭時有維持秩序之權

第五十八條 公開法庭有應行停止公開者應將其決議及理由宣示然後使公衆退庭至宣告判斷時仍應公開

第五十九條 停止公開法庭審判長得指定尙無妨礙之人特許旁聽

第六十條 審判長得命旁聽之婦孺及服裝不當者退出法庭並應詳記其事由於讞牘

第六十一條 有妨害法庭執務或其他不當之行爲者審判長得酌量輕重照左列各款分別處分

一 命退出法庭

二命看管至閉庭時

三至閉庭時更得處十日以下之拘留或十元以下之罰金

第六十二條 原被告及中證人鑑定人繙譯等有前條行爲者照左列各款分別處分

一刑事被告受前條第一或第二款處分者應不聽其辯論卽行審判

二民事原被告受前條第一或第二款處分者應聽在庭當事人之供述行其審判

三刑事被告或民事原被告受前條第三款處分者該處分應與本案分別宣告

四中證人鑑定人繙譯等得不待閉庭實行前條第三款處分

第六十三條 前二條所載處分不得用刑律俱發罪之例並不准上訴

第六十四條 律師在法庭代理訴訟或辯護案件其言語舉動如有不當審判長得禁止其代理辯護 其非律

師而爲訴訟代理人或辯護人者亦同

第六十五條 處分妨害法庭秩序之人應詳記其事由於讞牘

第六十六條 受第六十一條六十二條之處分者如係官員得按其情節移請懲戒處分 律師受第六十四條

第一項之處分者亦同

第六十七條 獨任推事行審判時均有本章所定審判長之職權

第六十八條 庭事檢察官及書記官等員在法庭執務時均應服一定服制 律師在法庭時亦同

第八章 審判衙門之用語

第六十九條 審判衙門行審判時以中國語言爲準

第七十條 原被告及中證人鑑定人等如有不通中國語言者由繙譯傳譯 其有不通審判官所用中國語言

者亦同 如無繙譯而審判衙門或檢察廳內執事各員有能通原被告及中證人鑑定人等所用語言者得委

令傳譯

第七十一條 審判衙門之案牘用中國文字記錄之如恐兩造爭執或有必需時得附錄外國語言及各省土語

存案

警務處詳遵飭核議威縣稟裁巡警秋後招募原額文  
肥鄉縣張令新會稟遵飭將傳習所改爲教練所開辦

日期及會議情形文

邯鄲縣商人王復雷稟爲祖礦被霸懇乞派委澈查文  
浙撫增札飭財政局澈底清查各種款項文

二十四日

督憲端據津浦路務實習所學生譚濱等稟請免歸併

京師傳習所咨請津浦鐵路大臣查照文

學司詳行唐縣文童顧志剛等捐助學費請獎文

龍門縣鄭令慶成稟開辦巡警教練所日期文

成安縣樂令太常稟遵設巡警教練所並開辦日期文

江督張札飭甯藩司轉飭商設銀錢號迅將發行票紙

數日開報彙核報部文

二十五日

學司詳送游學畢業合格生請督憲咨部考試文

北洋陸軍糧餉局詳經支軍械局薪餉銀數文

遷安縣劉令道春詳抽捐狀紙以濟要需文

雄縣張令允翰稟大清河水勢現已安瀾請查核文

二十六日

憲政編查館咨催各衙門查照單開各節未辦事件依

限舉辦文

度支部咨行在京各衙門迅造三十四年統計表冊送  
部編纂文

督憲端據山海關道呈籌辦疏濬遼河情形咨請外務

部查照辦理文

學司札催各屬儒學廩生考出歲貢額數並考試日期

文

學司據省視學報告建昌縣高等小學教授精詳情形

札飭該縣傳諭嘉獎文

二十七日

理藩部片覆貴胄學堂俟有呈願肄業學員由本部隨

時咨送文

理藩部咨覆督憲派員採購馬匹由察哈爾都統割行

該監長妥爲照料文

督憲端准度支部咨創立銀錢號限制辦法札飭司道

商會暨官銀號遵照文

督憲端札飭北洋官電局裁汰員司文

督憲端札飭造幣津廠裁汰員司文

吳丞堂鑄孫呈創設天津中國報社請立案文

津海關道詳考試醫學堂頭二班學生評定甲乙給獎

榜示文

二十八日



賑撫局詳遵飭核議委員查明武清縣稟請護險經費

毋庸置議現以民情困苦擬改查放冬撫文

獻縣和令紳布稟籌設教練所開辦日期文

隆平縣王令贊勳稟奉飭將巡警傳習所改爲教練所

擬定章程開辦情形文

二十九日

督憲端札飭各州縣清理積案文

阜平縣怡令欽稟遵章設立教練所文

四川藩司等會詳樂利造紙公司洋紙銷路文

三十日

督憲端據運司詳解本年青島學堂經費咨外學兩部

暨山東撫院查照文

學司詳曲周縣葉桐林等捐助學費請獎文

第二鎮馬統制龍標稟爲二鎮馬醫院應如何辦理候

示祇遵文

易州唐直牧則瑀稟請派撥馬步隊駐紮州屬半壁店

村以資巡防文

正定縣孫令家鈺稟新募四鄉巡警認真整頓文

天津縣議事會移董事會文

九月初一日

天津縣議事會稟督憲陳明津埠紳民請緩行印花稅

一案文

天津縣胡令商彙詳學董張元英等稟重興馬集認捐

學費文

安肅縣曾令傳謨稟遵章開臨時會議情形文

博野縣袁令澍滋等稟防護博邑潞龍河伏秋安瀾現

在撤防文

初二日

禁煙局詳查明直省吸戶牌照捐現收實在數目文

廣東新甯縣劉紳汝霖稟督院倡建新甯地方自治模

範村文

初三日

學司札發各屬保送舉貢考試成案文

運司詳明香河引岸習由綱總代辦課運以免貽誤而

便償欠文

府經王禮恭稟擬推廣設立戒煙會文

天津縣董事會移天津縣開送海河淤地上年下季收

支併開支數目清冊文

初四日

督憲端准陸軍部咨行轉飭各鎮遵章從速開辦陸軍

監獄並將籌辦情形速行報部札飭陸軍第二四兩

鎮遵照文

食果傷胃

香港絲商自述其身將犧牲於胃病中後服韋廉士大醫生紅色補丸而獲全愈

韋廉士大醫生紅色補丸久已名馳天下各國固為醫治凡由胃部失調各症之聖藥也即如香港上環一百零六號和源號絲商阮君蓬仙者不過數千萬中患病而服是丸獲愈者之一耳茲將其自述之詞畧錄於下云○僕二年前因食敗果致傷胃脈勢將犧牲於胃疾中矣初起胃甚疼痛食難下嚙繼則胃失化工大便塞結後則頭痛欲裂心跳不寧兩肩背痛如針刺慘苦難言常聞胃中聲鳴懸轉每於餐後胸殊飽悶雖服多藥毫無效驗後承

香港阮友勸試服韋廉士大醫生紅色補丸不意甫罄兩

君蓬仙瓶胃部消化之工漸覺有力余心不禁快愉之至

為韋廉士大醫生紅色補丸之功也夫肝胃腸三部失調而欲使之復原康健以


生紅色補丸所大固非他藥所可比擬在此二十餘年以來所治

治愈無數各症即如 胃失消化 肝經不和 頭痛



心跳 諸虛百損 腦筋衰殘 風溼骨痛 腎髒痠痛 左癱右瘓 腳氣衝心 山嵐瘴氣 乾淨癩癩 皮膚炸裂 發熱病後 紅白痢疾 傷風咳嗽等症莫不皆有保證書可稽也是丸又為婦科之聖藥其名更揚全球即輒弱有病之小孩服之亦能使之康強有力焉韋廉士大醫生紅色補丸中國各處藥局凡經售西藥之驗均有出售如內地無從購買可直向上海四川路第八十四號韋廉士大醫生藥局中國總發行函購或向四川重慶白象街分行購買亦可 價銀每一瓶大洋一元五角每六瓶大洋八元遠近郵費一律不取

上海四川路第八十四號韋廉士大醫生藥局啓



丸藥真樣謹防假冒

### 新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋窩等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尙有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

### 利文洋

本行開設天津上海香港志呢華海參崴等處均設有年諸班貨物由外洋本機器廠自造鑲鑽石戒指留耳墜鑄子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行主人啟

### 瑞林祥元記 綢緞洋貨莊

本行開設北京前門外鮮魚口天津估衣街中間路北山東濟南府院西路北自置綢緞紗羅縐繡粧蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

### 嶧縣中興煤礦有限公司添招新股廣告

敬啟者本公司前蒙 農工商部奏派承參上行走前長蘆運台周到嶧調查商籌擴充辦法預算五年內路礦用款出煤噸數並議招新股漕平足銀二百二十萬兩具文呈復旋蒙 農工商部札飭本公司邀集舊股東設法招集務於預算年限內每日出煤二千噸之數各等因奉此本公司現已遵札將添招新股章程詳改完善呈部核准立案茲將部札原呈及添招新股章程登告以供 公覽其擴充辦法及出煤獲利取息分紅各節均詳周都轉原呈並招股章程毋庸贅述如有遠近官紳商庶願附本公司礦股者自一股至數百股均可隨時向義善源慶善銀號洋灰公司河北周公祠後院南鄭宅等處商附兌款後先給收銀憑單隨即函告濟南總理處填寫股票摺寄回轉交附股人收執爲憑以收足原議之數爲截止之期幸勿觀望自失利益特此敬佈

天津商務印書館廣告

歲逢庚戌萬象更新本館特製月份牌一種文雅富麗兼擅其勝專備購書諸君贈品以助雅興凡購本館書籍圖書滿現洋二元者謹贈月份牌

諸君贈品以助雅興凡購本館書籍圖書滿現洋二元者謹贈月份牌

份牌 一張滿四元者二張 餘可類推 不滿二元者不贈 訂定正月初十日贈起

至三月初十日止 如期內業已送完則當改贈他書臨時再行佈告

敬贈書目提要

本館創辦十餘年編譯書籍將及千種茲特印成書目提要一册欲閱者請向本館索取遠地函索即當寄奉 附 郵票購書章程 凡值信局郵局不能匯兌款

項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

商務印書館啟

天津分館開設河北大胡同 電話五百二十六號

**京奉路局廣告** 本月廿一日考試由上午七點半鐘點名仰投考各生一律遵照勿悞切切

**奏辦京師自來水有限公司訂期開股東常會廣告** 查本公司招股簡章第二十條內載每年二月各股東在北京本公司開會一次宣布上年盈虧情形預籌本年營業方針是為尋常會議現在本公司甫經售水並無盈虧可言而營業方針亟須預為籌畫以期推行盡利且開辦情形亦應逐細報告茲定於二月二十一日下午二鐘在北京前門內西城根本公司開股東常會報告提議一切事件應請諸位股東於會期前三日携帶股票赴本公司驗明填發入場券屆期即可持券入會如不先領入場券臨時碍難接待謹啓

**北洋灤州官礦有限公司訂期開股東常會廣告** 啓者本公司現屆第二期派利謹擇於二月二十五日下午二鐘假座天津河北李公祠東院單棚內舉行股東常會應請有股 諸君於會期前三日攜帶股票赴法租界五號路本公司驗明填給會券屆期即可持券入會如不先領會券臨時礙難接待謹啓

啓者本路京奉直通車訂於本月二十五日即禮拜一日起添掛睡車並有頭二等飯車(並無二等客車)(每逢禮拜一)日下午七點二十五分由北京直開濟陽(每逢禮拜一)日上午八點五十分由濟陽直開北京(凡搭睡車照常客座頭等客每位加車費洋二元床位費洋五元二等客每位加車費洋一元床位費洋二元五角無論路程遠近均一律核收)(頭等床位備有被褥抗毯等件)(二等床位由客人自備被褥)(凡客人欲搭睡車可預先函知津局車務處定留床位如未經預定或在半途搭車者倘無餘剩床位不得侵占別人所定之床位)(客人行行李另有車輛裝載如有輕小包裏帶入睡車者不准放在客座並車廂等處致碍他客)(山海關至瀋陽每逢開通車之日隨後加尋常快車一次以便行旅)

**督署兩等小學續招學生廣告地址** 督署後天緯路北學級 本校分高等初等兩級

**資格** 高等以能作短文為合格初等識字與不識字均可 **課程** 遵章報名 自二月初一日起至二月三十日截止本在堂庶務處 **考期** 三月初一日早八點鐘考高等學生下午兩點鐘考初等學生 **學費** 不收

**北洋灤州官礦公司開收第二期股本廣告** 啓者本公司原招股本係分兩期核收分

填天字地字兩項股票茲特定期將地字股本收足自本年正月十五日起望持天字股票為憑以便驗票收款天津本埠以三個月為限交法界五號路十四號門牌本公司總理處其外埠較遠以五個月為限仍交各處天津分銀號均先發執照一個月後換取地字股票如逾限不交當查照本公司招股章程第十七條辦理合先登明此啓